



06016

說略卷之十五

字學



江寧顧起元太初輯

夏英公集古篆韻所引書目汗簡說文石經字略夏
書縮韻雲臺碑豫讓文古孝經古周易古尚書演說
文雜古文林罕集古老子山海經古史記古漢書孫
彊集馬日碑集牧子文古世本義雲章古莊子碧落
文華岳文古案經張揖集亢倉子古爾雅古論語古
毛詩開元文李彤集古春秋古禮記徐邈集三方碑

說略

卷之十五

一

茅君傳古樂章古周禮石椁文濟南集馬田碑銀床
頌烟蘿頌荆山文庾儼集古月令南嶽碑陰符經王
庶子碑祝尚書韻比干墓銘衛宏字說貝丘長碑凌
壇臺文季札墓銘滕公墓銘周才字錄朱育集字樊
先生碑義雲切韻羣書古文楊大夫集天台經幢蔡
邕石經王維畫記顏黃門說庾儼字書證俗古文王
先生誅彌勒傳碑陳逸人碑楊氏阡銘鬱林序文周
書大傳淮南子上昇記王惟恭黃庭經趙璠章古字
畧王存義切韻張庭珪劍銘裴光遠集綴郭昭卿字

指李商隱畧古崔希裕畧古丘光庭序文鳳栖記

楊用脩聞見字書目石鼓文鄭樵注王應麟注蘇軾注史篇說文引

九經韻補羣經音辨賈昌朝小爾雅孔鮒廣雅張揖要雅劉

杏賈升卿埤蒼升卿漢永元中人糾謬正俗顏師古通俗文服虔

說文五義吳淑說文系傳徐鍇呂忱字林陸該字林葛洪

字苑曹產字苑御覽字府庾元威字府鍾鼎欵識薛尚

功集古錄歐陽脩博古圖考古圖呂大臨金石錄趙明誠故

跡遺文徐浩古跡記北齊李鉉字辨李燾五音譜七

音韻鏡宋吳恭字林音義張揖誤字周成難字宋庠

說略 卷之十五 二

國語音智騫楚辭音徐邈莊子集音甘輝魏包莊子

釋音陶弘景黃庭經音孫炎爾雅音釋玄應諸經音

義蕭該漢書音義李舟切韻董南一切韻指南晉王

延文字音何承天纂文阮孝緒文字集畧李登聲類

李季節音譜陸法言集韻隋潘徽韻纂孫恂唐韻曹

憲桂花珠叢張叅五經文字唐元度九經字樣夏竦

古文四聲韻趙克繼廣古文四聲韻郭忠恕佩觿集

鄭樵字始連環鄭樵象類書溫公切韻指掌圖孟昶

書林韻會黃公紹韻會舉要吳棫韻補顏元孫干祿

字書婁機廣干祿字書周琦六書正譌王隆小學篇
說文字原劉士明動靜字音唐蒙博物記李肩吾字
通洪适隸釋呂靜韻集周思言音韻文字辨疑夏侯
該韻畧杜臺卿韻畧楊休之韻畧張揖古今字詁阮
孝緒古今文詁班馬字類丘陵文字指要郭知玄集
韻拾遺鄭氏篆髓戴侗六書故毛冕禮部韻畧劉淵
平木韻韻總李涪刊誤陳思寶刻叢珠書苑菁華王
柏正始之音字隄隸格聲緯

英公用修所疏未備者神禹碑李斯嶧山碑泰山碑
說略

卷之十五

三

秦望山碑詛楚文石鼓音僧曇域補說文字解說文
音隱說文韻補古今字書楊承慶字統顧野王玉篇
釋慧力像文玉篇趙利正玉篇解疑司馬光類篇侯
洪伯字類叙評謝康樂要字苑馮榦括字苑葛洪要
用字苑殷仲堪常用字訓賈魴字屬篇鄒里要用雜
字王義文字要記周成解文字薛立字宗文字譜江
邃釋文王愔文字志王氏文字要說難字要覽字知
源郭訓字旨篇桂花珠叢畧要隋王劭俗語難字李
少通雜字要僧正度雜字書文字整疑正名顏延之

纂要文字釋疑李少通今字辨疑顧愷之啟疑文字
指歸唐武后字海稽正辨訛僧智光龍龕手鑑僧寶
誌文字釋訓明皇開元文字音義唐歐陽融經典分
毫正字音書考源周研聲韻呂靜韻集張諒四聲韻
林段弘韻集羣玉典韻王該文章音韻李槩修續音
韻決疑纂韻抄劉善經四聲指歸沈約四聲夏侯詠
四聲韻畧趙氏韻篇李槩音譜釋淨洪韻英陸慈切
韻蕭鈞音韻武元之韻銓明皇韻英顏真卿韻海鑑
源僧猷智辨體補修加字切韻李邕唐韻畧雍熙
說略

卷之十五

四

廣韻丁度集韻禮部疑韻陳彭年重修廣韻吳鉉五
音廣韻景祐韻王延雜文字音陽休之辨嫌音異字
同音張推證俗音顏愨楚證俗音畧叙同音聲韻圖
柳曜五音切韻樞切韻指元論僧鑑言切韻指元疏
劉守錫歸字圖僧守溫三十六字母圖僧行慶定清
濁韻鈴切韻內外轉鈴內外轉歸字郭逸音訣劉鎔
經典集音泉志古印式劉伯莊史記漢書音義徐文
遠左傳音李玄植三禮音義公孫羅文選音義陸德
明經典釋文曹憲文選音義許淹文選音劉原父先

秦古器記張有復古編張有五聲韻補六書統六書
精蘊四書五經明音古今韻漢隸分韻李陽冰謙卦
碑李陽冰新泉銘趙古則聲音文字通正轉音畧字
學源流六書指南六書本義王侏嘯堂集古錄高似
孫五書總韻林罕字源偏傍小說葛刪正續千文字
婁機漢隸字源劉球碑本隸韻佐書韻編洪适隸釋
石經遺字碑王楚鍾鼎篆韻無銜鍾鼎韻杜本華夏
同音吾衍學古編吾衍續古篆韻吾衍疑字吾衍說
文續釋楊鉤鍾鼎篆韻宣和譜楊克一集古印格王

說略

卷之十五

五

厚之復齋印譜顏叔夏古印譜姜夔集古印譜趙孟
頴印史王應電同文備考黃諫從古正文楊慎轉注
古音畧古音餘古音附書學正韻李宗言釋字

六書當分六體班固云象形象事象意象聲假借轉
注是也六書以十爲分象形居其一象事居其二象
意居其三象聲居其四假借借此四者也轉注注此
四者也四象以爲經假借轉注以爲緯四象有限假
借轉注無窮也鄭漁仲六書考論假借極有發明至
說轉注云一字數義展轉注釋而後可通後人不得

其說遂以反此作彼爲轉注許慎云轉注考老是也
毛晃云老子下從七音化考字下從巧音巧各自成
文非反考爲老也王柏正始之音亦以考老之訓爲
非蕭楚謂一字轉其聲而讀是謂轉注程端禮謂假
借借聲轉注轉聲皆合周禮注展轉注釋之說可正
考老之謬矣又易疏云賁有七音義各不同觸類而
長之衰有四音齊有五音從有七音差有八音敦有
九音辟有十一音皆轉注之極也

漢世緯書旣出故言卯金刀者劉也按劉氏本范氏
說略

卷之十五

六

後自秦而反其處者爲劉氏則劉當爲留說文留從
卯戶開爲卯卯爲春門戶闔爲卯卯爲秋門留自從
卯卯酉同故知留不從卯劉姓則不從刀也許慎以
劉爲留其轉而爲劉者以田則爲刀也然姓書周之
大夫有食采於劉者此畿南北地也因地以爲氏則
與漢姓異出但不知古文劉者其書與漢如何故凡
漢姓自當爲留或以爲留南朝有留異或以爲出留
侯非也特漢姓不出其本者如此耳

戰國策趙威后問齊使歲無恙耶王亦無恙耶楚辭

九辨曰還及君之無恙說死魏文侯語倉庚曰擊無恙乎又曰子之君無恙乎漢書元帝詔貢禹曰今生恙何至不已乃上疏乞骸骨聘禮亦曰公問君賓對公再拜鄭注云拜其無恙者顧愷之與殷仲堪踐行人安穩布帆無恙隋日本遣使稱日出處皇帝致書日沒處皇帝無恙神異經曰北方大荒中有獸咋人則疾名曰獐獐恙也嘗入人室屋黃帝殺之人無憂疾謂之無恙爾雅曰恙憂也應劭風俗通曰上古之時草居露宿恙噬人蟲也善食人心大患苦之凡相

說略

卷之一五

七

問曰無恙恙或以爲獸或以爲蟲或謂無憂廣干祿字書兼取憂及蟲事物紀原兼取憂及獸廣韻獐字下云獐獸如獅子食虎豹及人恙字下云憂也病也噬蟲善食人心是獐恙二義神異經合而一之則誤矣

說文略經略土地也左傳天子經略諸侯正封注聚土爲封曰略經謂巡行略謂邊界卽取土爲封之略孟子所謂域民不以封疆之界是也後世不知略之爲聚土陸詞黃公紹謂巡行爲略失之遠矣巡行可

以解經字而不可以解略字經略之云猶云防邊也
猶云出塞也二字相聯爲義若以略爲巡行則謂邊
云防禦謂塞爲征行可乎略也邊也塞也皆實字也
邊塞字易明人皆知之略字義少隱故解者不以爲
實字而虛之轉解轉謬矣再考左傳中凡言略者皆
謂聚土爲封也如云侵敗王略又曰與之武公之略
又曰吾將略地焉又曰略塞垣其義皆同尚書云嵎
夷旣略謂立邊防以界嵎夷正天子經略之事也孔
穎達不識略字本義以爲俗稱忽略簡略之略乃注
說略

云用功少曰略何其俗而且陋謬而可笑哉孟子曰
此其大略也略字本喻言謂得其邊而未盡其中也
亦猶莊子所謂道無封爲是而有畛也郭象注云道
無封故萬物得恣其分域妙得莊旨孟子之言略猶
莊之言封與畛也惜乎趙岐之注孟不能如郭象之
注莊也乃曰大略大要也漢武紀殺略謂入界殺人
龔遂傳劫略謂入界劫人今遂以略爲殺爲劫史云
智略輻湊蓋謂其智足以周知天下之略今遂以略
爲才智之稱假借譬喻遠失初意矣

趙子昂詩嘈嘖琵琶媚遠天二字草書人多不解按陸機文賦務嘈嘖而妖冶注埤蒼曰嘈呖聲貌呖與嘖及嘖同才曷切今本呖誤作啐洞簫賦務嘈嘈而妖冶長笛賦啾啾嘈啐啐慈沒切一云才曷切浮艷聲也

沈約始爲四聲韻以平上去入分清濁高下自謂靈均以來未始有覩而梁高祖雅不好之間周捨曰何謂四聲捨對曰天子聖哲是也帝竟不能遵用陸厥與約駁論甚苦後至隋儀同劉臻等過陸法言論及

說略

卷之十五

九

聲韻以今聲調旣自有別諸家取捨亦復不同吳楚則時傷輕淺燕趙則多傷重濁秦隴則去聲爲入梁益則平聲似去又支脂魚虞共爲一韻先仙尤侯俱論是切欲廣文路自可清濁皆通若賞知音卽須輕重有異因取呂靜韻集夏侯該韻略陽休之韻略周思言音韻李季節音譜杜臺卿韻略等叅伍之當時遂有法言撰本長孫訥言箋註而同撰者爲劉臻顏之推魏淵盧思道李若蕭該辛德源薛道衡後又有郭知玄緒正朱箋三百字關亮薛峒王仁煦祝尚丘

孫恂嚴寶文裴務齊陳道固各增加字至宋成廣韻
二萬六千一百九十四字沙門神珙又有四聲五音
九弄反紐圖其序略云聿興文序反切爲初一字有
訛餘音皆失又云欲反字先須紐弄爲初一弄不調
則官商靡次昔有梁朝沈約創立紐字之圖皆以平
聲碎尋難見唐又有陽審公南陽釋處忠撰元和韻
譜與文約義俱詞理稍繁尋求難顯乃列五圓圖爲
五聲圖每圖皆從五音字行皆左轉中有註說之又
列二方圖爲九弄圖圖中取一字爲頭橫列爲圖首

說略

卷之十五

十一

目題傍正之文以別之譜曰平聲者哀而安上聲者
厲而舉去聲者清而遠入聲者直而促傍紐者皆是
雙聲正在一紐之中傍出四聲之外傍正之自此而
分清濁也東方喉聲何我剛鄂訶可康各西方舌聲
丁的定泥寧亭聽歷南方齒聲詩識之食止示勝職
北方脣聲邦彪剝電北墨朋邈中央牙聲更硬牙格
行幸亨客自神珙之切行而韻字益明矣元周氏之
譏約乃以中土冷音而勝之又欲以三聲而奪四聲
尤可笑者然其所舉平聲如靴在戈韻車邪遮嗟却

在麻韻靴不押車車却協麻元暄鴛言褰焉俱不協
先煩翻不協寒山却與魂痕同押其音何以相着灰
不協揮杯不協裨梅不協糜雷不協羸必呼梅爲埋
雷爲來方與哈協如此呼吸非鳩舌而何伯清之所
自持未必是而其所攻未必非也

切韻之學本出于西域漢人訓字止曰讀如某字未
用反切然古語已有二聲合爲一字者如不可爲叵
何不爲盍如是爲爾而已爲耳之乎爲諸之類似西
域二合之音蓋切字之原也如輦字文從而犬亦切

說略

卷之十五

十一

音也殆與聲俱生莫知從來今切韻之法先類其字
各歸其母唇音舌音各八牙音喉音各四齒音十半
齒半舌音二凡三十六分爲五音天下之聲總于是
矣每聲復有四等謂清次清濁平也如顛天田年邦
降靡茫之類是也皆得之自然非人爲之如幫字橫

調之爲五音幫當剛臧央是也

幫官之清當商之清
剛角之清臧徵之清

央羽
之清

縱調之爲四等幫滂傍茫是也

幫官之清滂官
之次清傍官之

濁茫官之
不清不濁

就本音本等調之爲四聲幫滂傍博是也

幫官之清平滂官清之上
傍官清之去博官清之入

四等之聲多有聲無字者

如封峯逢止有三字邕勇止有兩字竦欲止有一字
五音亦然滂湯康蒼止有四字四聲則有無聲亦有
無字者如蕭字肴字全韻皆無入聲此皆聲之類也
所謂切韻者上字爲切下字爲韻切須歸本母韻須
歸本等切歸本母謂之音和如德紅爲東之類德與
東同一母也自有重中重輕中輕本等聲盡汎別等
謂之類隔雖隔等須似其類謂唇與唇類齒與齒類
如武延爲綿符兵爲平之類是也韻歸本等如冬與
東字母皆屬端字中第一等中第一等聲故都宗切

說略

卷之十五

十二

宗字第一等韻也以其歸精字故精徵音第一等聲
東字乃端字中第三等聲故德紅切紅字第三等韻
也以其歸匣字故匣羽音第三等聲又有牙用借聲
類例頗多大都自沈約爲四聲音韻爲密然梵學則
有華竺之異南渡之後又雜以吳音故音韻龐駁師
法多門至於所分五音法亦不同如樂家所用則隨
律命之本無定音常以濁者爲宮稍清爲商最清爲
角清濁不常爲徵羽切韻家則定以唇齒牙舌喉爲
宮商角徵羽其間又有半徵半商者如來日二字是

也皆不論清濁五行家則以韻類清濁參配今五姓
是也梵學則喉牙齒舌唇之外又有折攝二聲折聲
自臍輪起至唇上發如件字之類是也攝字臍音如
歆字臍中發之是也字母則有四十二曰阿多波者
那囉拖婆茶沙嚩哆也毘吒合二迦娑麼伽他社鎖乎
拖前一拖輕呼此一拖重呼奢佉合二娑多合二壤曷囉多合二婆上聲
車娑麼合二綏伽上聲吒拏娑頗合二娑迦合二也娑合二室者合二
二佗陀爲法不同各有理致先王所不言然不害有
此理歷世浸久學者日深自當造微耳

說略

卷之十五

十三

經籍中多有古字通用及假借而用讀者每不之察
如易豐卦雖旬無咎禮記內則旬而見注皆釋均不
知旬卽古均字遯卦肥遯無不利肥古作斐與蜚字
同韻書訓別也則肥當從斐離卦離麗也又云明兩
作離禮昏經曰納徵束帛離麗古通用巽卦喪其資
斧資當讀爲齊應劭云齊利也淮南子云磨齊斧以
伐朝菌漢書王莽傳引易句資作齊資齊古通用良
卦良其限列其夤厲熏心熏讀爲闡蓋良爲闡也熏
闡古通用歸藏易一與與讀爲坤卽古坤字書堯典

方命圯族圯讀爲弊卽古弊字禹貢西傾因桓是來
又和夷底績水經注和夷底績卽西傾因桓之桓漢
書桓東少年塲注桓楹卽和表和表又轉爲華表桓
譚新論隋志作華譚桓和華三字古通用又岷嶓旣
蕪又岷山導江史記引此皆作汶三國志蜀後主測
登觀汶水之流五代史王建貶衛尉少卿李鋼爲汶
川尉徐無黨註汶讀作岷汶岷古通用五子之歌甘
酒嗜音又儀狄作酒禹飲而甘之二甘字當讀爲酣
古字省文微子沈酗于酒酗當讀爲醕音煦漢書趙

說略

卷之十五

十四

玄國傳醉醕羗人顏師古曰醉怒曰醕卽醕字罔命
伯罔說文罔作栗唐杜佑奏省官疏云伯景爲太僕
罔栗與景字同音亦相借耳詩小序氓喪其妃耦妃
當讀爲配妃配古通用國風猗嗟名兮玉篇引名作
顛眉目之間也西京賦昭藐流盼一顧傾城注昭眉
睫之間皆言美人眉目流盼使人冥迷所謂一顧傾
城也名顛冥三字古通用小旻發言盈庭發讀爲聒
發聒古通用碩人鱣鮪發發讀爲潑發古潑字省
文小雅采芣平平左右論語便便言皆訓辨給也堯

典平章百姓史記作便章百姓平便古字通用公劉
芮鞫之卽韓詩外傳作院班孟堅云弦中谷丙水出
西北東入涇注芮院雍州川也師古云院讀與鞫同
古字通用蓼蕭爲龍爲光長發荷天之龍二龍字註
皆釋寵也然不知卽古寵字省文隰有萇楚旣旣其
華王逸云今詩作猗儺二字皆平聲楚辭紛旣旣乎
都房相如賦旣旣以招搖楊雄賦旣旣邈邈之旣旣
王褒賦形旣旣以順吹旣旣卽古猗儺字殷頌武王
載發發讀爲旣發旣古通用禮記月令審端徑術讀

說略

卷之十五

二五

爲遂術遂古通用又天子乃鮮羔開冰鮮讀爲獻鮮
獻古通用玉藻立容辨卑母調辨讀爲貶辨貶古通
用又盛氣顛實揚休顛讀爲填顛填古通用一命縕
鞞幽衡幽讀爲黝黝黑色幽黝古通用少儀變和之
美美讀爲儀美儀古通用樂記名之曰建橐建讀爲
展建展古通用祭義燔燎羶羶羶讀爲馨香羶羶
馨香古通用祭統百官進徹之進讀爲餽進餽古通
用投壺若是者浮浮當讀爲罰浮罰古通用又籌室
中五扶堂上七扶公羊傳曰膚寸而合何休曰側手

爲膚按指爲寸扶讀爲膚扶膚古通用又王言如綸
其出如綉綉讀爲緋綉緋古通用周禮小司徒施其
職而平其政政讀爲征政征古通用賈師展其成而
奠其賈奠讀爲定奠定古通用司尊彝凡酒修酌修
讀爲滌修滌古通用太宗伯攝爲戴果果讀爲裸音
灌果裸古省文司几筵每敦一几鄭玄曰敦覆也敦
讀爲燾敦燾古通用鬱人遂貍之貍讀爲埋貍埋古
通用大胥春入學舍采合舞舍讀爲釋舍釋古通用
典瑞纁藉五采五就以朝日纁讀爲藻纁藻古通用
說略

巾車革路龍勒條纓條讀爲條條條古通用又蒲蔽
琴蔽藻蔽藩蔽爾雅輿前謂之艱後謂之弗竹前謂
之禦後謂之蔽通作弗蔽弗古通用雍氏秋繩而芟
之繩讀爲孕繩孕古通用考工記梓人爲侯上兩個
與其身个讀爲榦个榦古通用輈人輈欲頤典頤典
讀爲懇殄頤懇典殄古通用函人犀甲七屬屬讀爲
注屬注古通用又眡其鑽空空讀爲孔空孔古通用
愴氏以欄爲灰欄讀爲練欄練古通用矢人以其筈
厚筈讀爲橐筈橐古通用匠人爲溝洫凡行奠水奠

讀爲停奠停古通用弓人爲弓老牛之角紵而昔昔
讀爲錯昔錯古省文又畏也者必撓畏讀爲隈畏隈
古省文又中有變焉故校校讀爲絞校絞古通用儀
禮注布八十縷爲一宗宗讀爲升宗卽古升字春秋
宣公九年晉郤缺救鄭成公十七年晉殺郤缺郤古
郤字左傳隱公元年衆父卒衆讀爲終衆終古通用
文二年穆伯及晉司空士穀盟于垂隴及士會士燮
士鞅士當作土傳譌耳又詩徹彼桑土土讀爲杜土
姓杜伯之後土卽古杜字省文宣四年鬪穀於菟班

說略

卷之十五

十七

固叙傳引此菟作擇古通用襄二十五年子產對晉
云庸以元女大姬配胡公而封諸陳以備三恪恪當
讀爲客恪客古通用又衛侯入逆于門者鎮之而已
說文鎮低頭也徐氏曰點頭以應也今作領襄八年
亦不使一介行李告於寡君介讀爲介介古通用
昭元年趙孟視蔭蔭讀爲陰蔭陰古通用文元年享
江芊而勿敬也又昭十三年芊姓有亂必季實立今
氏書有乜姓而無芊姓諸韻書乜芊二字同音皆訓
羊出聲則知芊卽古乜字昭七年隸臣僚僚臣僕僚

當讀爲牢僚卽古牢字昭二十五年隱民多取食焉
國語勤恤民隱而除其害也詩云如有隱憂隱當讀
爲殷隱殷古通用又公徒釋甲執冰而踞冰讀爲棚
箭房之蓋冰棚古通用定三年唐成公如楚有兩肅
爽馬爽讀爲霜爽霜古通用穀梁傳以伯宗爲伯尊
賈逵以宗盟爲尊盟與舜典禋於六宗宗亦爲尊宗
尊古通用國語王乃秉枹親鼓之離騷援玉枹兮擊
鳴鼓枹讀爲桴枹桴古通用論語多見其不知量也
多當爲祗正義云古祗字孟子河海之於行潦潦讀

說略

卷之一五

一八

爲潦潦古通用素問脉泣而血虛又云寒氣入經
而稽遲泣而不行又云多食鹹則脉凝泣而變色泣
讀爲澀泣澀古通用莊子膠膠擾擾膠讀爲攪膠攪
古通用賈誼過秦論信臣精卒陳利兵而誰何問之
也漢書有誰何卒注誰與高帝譙讓項羽之譙同何
與呵同譙呵如今關城盤詰之例誰譙何呵古通用
史記庾死獄中說文束縛捽拙爲與史古通用又盧
綰之孫他人封亞谷侯亞漢書作惡漢條侯周亞夫
有玉印其文曰周惡夫印亞惡古通用又尉佗曰使

我君中國何渠不若漢長安狹斜行丈夫且徐徐調
弦渠未央淵明詩壽考豈渠央黃魯直木穿石槃未
渠透渠字班史及古樂府王融三婦豔詩俱作遽字
宋王楙引庭燎詩註云夜未渠央渠當呼作遽謂夜
未遽盡也渠遽古通用漢紀紅女下機紅卽古工字
太史公論英布曰禍之興自愛姬殖生於妬媚以至
滅國又漢書外戚傳亦云成結寵妾妬媚之誅二媚
字並讀爲媚媚亦妬也五宗世家云常山憲王后妬
媚王充論衡云妬夫媚婦生則忿怒鬪訟媚媚古通

說略

卷之十五

十九

用漢書兵難踰度踰讀爲遙卽古遙字又規察規讀
爲廉規覘視之義卽古廉字呂紀未敢訟言誅之訟
讀爲公古公字又孟光舉案齊眉張平子四愁詩何
以報之青玉案二案字卽古椀字又思玄賦顓霸旅
而無友兮顓讀爲獨顓獨古通用百卉含蘼蘼讀爲
花卽古花字言辯而确确讀爲確确確古通用又白
頭如新傾蓋如故說苑作白頭而新傾蓋而故而如
古通用秦方士徐市又作徐福實一人也市讀爲黻
古黻字黻福聲相近司馬長卿大人賦上仙仙有凌

雲之氣仙讀爲飄仙飄古通用論衡云五員帛喜帛
喜讀爲伯詬帛伯通喜古詬字省文又早火變也湛
水異也天官書一湛一早時氣也淮南子旱雲烟火
涔雲波水又雲雖有涔旱災害之殃民莫困窮已也
湛涔古通用淮南子人間訓置之前而不輦錯之後
而不軒輦讀爲輕古輕字泰族訓無隱士無軼民又
車有勞軼軼讀爲逸軼逸通又經誹譽以導之齊俗
訓聽失于誹譽誹讀爲毀誹毀古通用又烏窮則囓
獸窮則卑囓讀爲喙囓喙通卑讀爲觸卽古觸字兵

說略

卷之一五

二

畧訓吏民不相憖憖讀爲睦憖睦古通用又進退屈
伸不見朕整整讀爲垠卽古垠字又昧不給撫呼不
給吸給讀爲及給及通韓詩內傳已北耕曰由呂氏
春秋管子皆云堯使稷爲由錢譜神農幣文農作由
由農通風俗通怪神女新從聳家來聳讀爲壻卽古
壻字束皙補亡詩鮮侔晨葩莫之點辱左思唐林兄
弟贊二唐潔已乃點乃汚陸厥答內兄希叔詩旣叨
金馬署復點銅龍門點卽古玷字析里橋碑跋云醜
散關之嶮潔史記張儀傳杖而醜之韓信傳醜兵北

首燕路洪氏載漢碑文有云農夫醪未又云辭榮醪
黻醪卽古釋字管子君臣上篇緝綽卽古兗冕字又
輕重甲篇駟卽古搗字唐蘇頌朝覲壇頌虬虞氏虬
讀爲稽古稽字白樂天詩云誰教不相離相字讀爲
厮相厮古通用金天定中題燕靈王之柩作舊柩舊
古通用此類甚多不可殫述苟讀如其字誤亦甚矣
茗溪漁隱謂老杜借問大將誰恐是霍嫖姚漢朝類
遣將應拜霍嫖姚將軍只數霍嫖姚按漢史師古注
並去聲呼此作平聲蓋從服虔之音爾聞見錄亦譏

說略

卷之一五

三

子美用嫖姚字爲失不知二字作平聲古人已用之
如梁蕭子顯詩夫婿仕嫖姚十八賈登朝庾信詩寒
衣須及早將寄霍嫖姚王褒詩樓蘭校尉稱嫖姚唐
人以前多如此而唐人如李嘉祐身逐嫖姚幾日歸
高適每逐嫖姚破骨都李白將軍兼領霍嫖姚張祐
二十逐嫖姚羅隱尊壘合伴霍嫖姚李益君逐嫖姚
將韋應物嫖姚恩顧下有霍嫖姚張籍曾將順策
佐嫖姚爲佐嫖姚未得歸杜牧之鑿兵不羨霍嫖姚
李商隱五年從事霍嫖姚郎士元壯心竟未嫖姚知

不獨子美然也又考漢志歌曰五音六律依韋響昭
雜變並會雅聲遠姚注嫖姚也則作平聲有自來矣
孟子滄浪之水濁兮濁音獨與足叶史律書濁者觸
也白虎通瀆者濁也漢書潁水濁灌氏族古樂府獨
漉獨漉水深泥濁枚乘七發輪寫澳濁發皇耳目張
君祖詩風來詠愈清鱗萃淵不濁斯乃玄中子所以
矯逸足俗謂不明曰瞽濁以酒爲喻也

韵略宿音繡亢音剛氏音低觜音訾皆非也二十八
宿謂之二十八舍又謂之二十八次次者舍也皆有

說略

卷之十五

五

止宿之義今乃音秀此何理也爾雅云壽星角亢也
注云數起角亢之長故有高亢之義今乃音剛非也
爾雅天根氏也注云角亢下繫於氏若木之有根其
義如周禮四圭有邸漢書諸侯王邸之邸音低誤矣
西方白虎而參觜爲虎首故有觜之義音訾誤矣

天子萬乘諸經音訓皆作去聲傳玄漢高祖畫贊曰
赫赫漢祖受命龍興五星協象神母祥徵討秦滅項
如日之升起從側陋光據萬乘亦可以平聲用也

司馬君實嘗論九旗之名旗與旂相近緩急何以區

別小雅庭燎夜向晨言觀其旂左傳見伏辰取號之
旂當爲芹音耳

晉避司馬昭爲韶音至唐尚呼昭穆作韶穆宋始改
正耳東漢都洛陽火德王避洛字水尅火故爲雒陽
隨以魏周齊不違寧處文帝惡之故去走爲隋見李
涪刊誤楊用修獨云昭穆之昭本音韶亦有據也涪
又云近歲精用文者以僅爲近書舅甥之甥不從男
止書生字旁求爲傍求繆爲謬馬廐作廐薦作薦隋
今作隋如故洛雒繆謬尚通他不爾也

說略

卷之十五

三十三

陸龜蒙詩賴得伍員騷思少夫差剛免似荆懷宋人
小說云以龜蒙之博學而誤呼伍員之名豈趣韻邪
按員之音運本無前訓惟唐員半千傳云半千本宋
劉凝之十世孫初凝之因齊受禪奔元魏自北伍員
故改姓員唐世謠云令公四俊苗李崔員以後證先
知伍員之員音運也如巢縣之巢音勦朴胡之朴音
浮濡水之濡奴官反古賢相傳自有此一音韻今
不悉見耳

說文欵乃唐也集韻作唉或從口或從欠如嘯之作

歎歎之作嘆字雖殊義一也史項羽紀亞父拔劍擊
玉斗而破之曰唉楊子法言始皇方獵六國而翦牙
歎注歎絕語歎聲楚辭歎秋冬之緒風楚辭用之於
句首楊子用之於句終蓋噫嘻嗚呼之類也朱子辨
證云歎乃棹船相應聲元結有歎乃曲柳宗元詩歎
乃一聲山水綠注歎乃一本作襖靄按歎音靄乃音
襖近日倒讀之誤矣項氏家說云劉蛻文集有湖中
靄乃歌劉言史瀟湘詩有閑歌曖乃深峽裡靄乃也
曖迺也歎乃也皆一事但用字異爾歎本音哀亦轉
說略

卷之一五

二百

作上聲後人因柳集中有注云一本作襖靄遂欲音
歎爲襖音乃爲靄不知彼注自謂別本作襖靄非謂
歎乃當音襖靄也

四皓中用里先生用音祿今呼爲覺里則發笑然考
之祿亦角也古詩盤中詞曰與其書不能讀當中央
周四角是亦以角爲祿也按玉篇廣韻注二音皆通
用羣經音辨古岳切獸角也禮黃鍾爲角音祿如字
資暇錄謂孔氏祕記慮將來之誤直書爲祿里漢魏
之人多然如繁欽祿里先生訓亦書爲祿孔氏卽孔

安國祕記不可得而聞其事見抱朴子又按毛詩麟之角叶公族雀無角叶穿我屋有球其角叶以似以續皆已作祿音矣

馨字晉人以爲語助辭王衍傳何物老嫗生此寧馨兒世說劉真長語桓温曰使君如馨地寧或鬪戰求勝王導與何次道語舉手指地曰正自爾馨王朝之雪中詣王摛持其臂摛撥其手曰冷如鬼手馨強來捉人臂劉惔譏殷浩云田舍兒強學人作爾馨語合此觀之其爲語辭了然唐劉禹錫詩幾人雄猛得寧

說略

卷之十一

二五

馨得晉人語意矣

說文蠲馬蠲也从虫引明堂月令腐草爲蠲明也洗也潔也除也尚書圖厥政不蠲烝馬音圭詩吉蠲爲饗左傳蠲其明德古有涓圭二音東坡醉翁操琅然清蠲誰彈党懷英題黃彌守吳江新霽圖詩修娥新粧翠連娟下拂塵鏡窺明蠲又題採蓮圖紅粧秋水照明蠲又轉音絹唐太宗詩水搖文蠲動浪轉錦花浮唐世有蠲紙一名衍波牋蓋紙文如水文也

今文語辭竭來聿來不知所始按楚辭車旣駕兮竭

而歸不得見兮心傷悲註揭去也又按呂氏春秋膠鬲見武王于鮪水曰西伯揭去無欺我也武王曰不予欺將伐殷也膠鬲曰揭至武王曰將以甲子日至註揭何也若然則揭之爲言盍也若以解楚辭則謂車旣駕矣盍而歸乎以不得見而心復悲也意尤婉至則今文所襲用揭來者謂盍來也非是發語之辭矣文選註劉向七言曰揭來歸耕永自踈顏延年秋胡妻詩曰揭來空復辭義皆謂盍來始通

漢志川塞谿坎水澹池長澹音潭水溢也文選澹淡

說略

卷之一一五

二二六

浮澹音潭淡音琰澹臺滅明亦音潭管子淮南子注皆音潭今誦文選者澹淡作一音雌霓謬呼久矣

詩膚如凝脂凝去聲唐詩日照凝紅香白樂天詩落絮無風凝不飛又舞繁紅袖凝歌切翠眉愁又舞急紅腰凝歌遲翠黛低徐幹臣詞重省別時淚漬羅巾猶凝張子野詞蓮臺香燭殘痕凝高賓王詞想尊汀水雲愁凝閑蕙帳猿鶴悲吟柳耆卿詞愛把歌喉當筵逞遏天邊亂雲愁凝今多作平音失之音律亦不

協也

霓說文屈虹青赤或曰陰氣也雄曰虹雌曰霓研奚切又五結切南史沈約作郊居賦以草示王筠讀至雌霓連蜷沈撫掌曰僕嘗恐人呼爲平聲按謝靈運山居賦霓字已作五結切矣范蜀公召試學士院用彩霓作平聲考試者判郊居賦霓五結切范爲失韻當時學者爲之憤鬱司馬文正公曰約賦但取聲律便美非霓不可讀爲平聲也按韻書此類甚多有兩音三音而義同者皆可通用

顏之推稽聖賦魏嫗何多一孕四十中山何夥有子說略

卷之十五

三七

百廿廿音入而集反說文二十并也俗音念者誤三十并爲卅音撒先合反四十并爲卅音錫先立反史記秦始皇諸刻石文四字爲句正用此今刻本一字改作二字黃花老人詩招客先開卅雙卻一字讀作二字皆可笑也

唐彥謙雨詩燈檠昏魚目薰爐咽麝臍檠作去聲王建贈李翱僕射詩每日城南空挑戰挑作上聲贈田侍中歸鎮詩綠窻紅燈酒初新燈作去聲劉夢得贈日本僧智藏詩爲問中華學道者幾人雄猛得寧馨

以寧字爲平聲李山甫赴舉別所知黃祖不憐鸚鵡
客誌公偏賞麒麟兒以麒字爲去聲杜荀鶴哭賈島
墓詩謫宦自麻衣銜怨至死時怨去聲今作平聲矣
元微之春游篇欲終心懶慢轉恐意闌散以散爲平
聲矣今時人稱諸樂工謂之散樂指散爲上聲余謂
不然唐梨園樂欲所放散之樂工也此時各給據放
散如此則散乃去聲矣

唐詩三十六所臨春殿一一香風透管絃白樂天綠
浪東西南北水紅闌三百九十橋劉禹錫春城三百
說略

卷之十五

二八

九十橋夾岸朱樓隔柳條又煩君一日殷勤意示我
十年感遇時陳郁云十音當爲諶謂之長安語音非
也十當音旬古人以十日爲旬故如此讀也

甄有三音一在真韻之人切漢書甄表門閭靈貺自
甄之甄一在先韻稽延切左傳左甄右甄軍之兩翼
也一在震韻之刃切周禮典同薄聲甄注掉也鍾病
也殷寅玄元皇帝應見賀聖壽無疆詩應曆生周日
修祠表漢年無由同拜慶竊抃賀陶甄

先韻旁入

真韻矣

繇有六義黃履翁云漢高祖繇咸陽則與徭同文紀無繇教訓其民則與由同百官表咎繇則與陶同李尋傳繇俗則與譎同韋孟詩犬馬繇繇則與悠同班固賦謨先聖之大繇則與猶同

敦有九音禮敦厚以崇禮音墩詩敦彼獨宿音堆樂記樂者敦和音純詩敦彼行葦賈誼賦何足控敦並音團詩敦弓旣堅廣韻天子弓也音雕周禮每敦一几敦覆也音幬周禮度量敦制注敦布帛幅廣也音準周禮珠槃玉敦明堂位有虞氏之兩敦音對爾雅敦丘如覆敦音鈍

說略

卷之一五

三九

離有十六義黃離倉庚也見說文離麗也離也者明也見易雉離於羅見毛詩大琴謂之離見爾雅釋流離鳥名見詩注前長離而後喬皇注長離鳳也見相如賦織離馬名見李斯書陸離參差也見文選侏離夷語也見漢南蠻傳株離西夷樂名又設服離衛注陳也見左傳又離木名塋冢中之樹見孔子世家又水名零離水東南至廣信入鬱林見地理志又姓離婁見孟子又轉去聲不離飛鳥不可須臾離也見禮

記又轉力爾切輪困離奇又離靡廣衍見漢書

苴有十四音七間切麻也子間切苴杖也又子旅切履中薦也又布交切天苴地名在益州見史記注又天苴與巴同又子邪切菜壤也一曰獵場又似嗟切苴咩城在雲南又鉏加切詩傳曰木中傳艸也水草曰苴字一作蒼又作泚今作渣非又都賈切土苴不精細也又側下切糞艸也又側魯切說文曰酢菜也酢古醋字又莊俱切姓也漢有苴氏又則吾切茅藉祭也又將預切糟魄也又子余切苞苴囊貨也

說略

卷之十五

三

字有別音者如三紅下音絳妖蠱下音冶星宿音星秀二十八宿是也番禺音潘愚廣州縣名欵乃音靄襖天苴下音巴平反下音翻牢愁下音曹瀧水音雙德慶府縣名万侯高音木奇屑句讀音句豆點句音讀褒余下音斜風裁下音采朝請下去聲袒免音但問五世親汨羅一音博羅縣名一音密羅江名牂牁音臧歌蜀江名單于上音蟬提撕下音西服匿上音避冒頓音沒突漢時匈奴名可汗音克寒漢唐時虜國王號闕氏音煙脂莫囂下音敖濡水上音丸休屠

下音儲用里音祿里四皓之一龜茲音丘茲曹大家
下音姑玄端下音冕酒鎗攬槍下俱音鏞戲下上音
麾月支音肉支身毒音天竺魯般下音班樊於期於
音烏允吾音鉛牙彳下音躑躅汴防音什方日磧音
密低咎繇音臯陶茶首音蔡茂兩頭鹿也方良音罔
兩斯沾音賜覘控惚音空忽盧維音雷雍水也翺翹
音犀比隆慮音林閭畏佳音隈摧嶧嵬音摧頽蠅螺
音偃僂梁闇音諒陰辟倪音睥睨魁結音椎髻慮虬
音慮夷縣名朱提音殊時縣名取慮音趨閭縣名枹

說略

卷之一五

三十一

罕音夫謙猓氏音拳精縣名格澤音各鐸關龍上音
豢嫪毒音澇靄酈食其下音異饑寧馨兒寧去聲僕
射下音夜姑射下音益無射下音敦滹池音烏馱河
名疆場下音益旁魄下音薄旖旎音婀娜受釐下音
僖盟津上音孟國土下音度陶甄音真罽繖下音勺
日施下音移枹鼓上音敷琅邪下音耶郡名邪谷上
音耶綸巾上音關鬱隆上音蘊都麗下音龍邑名臯
比下音皮徙縣下音斯犧樽上音梭率更上音律盤
殮下音孫熟食也矛盾食蠶切黃能下音柰三足鱉

委蛇下音移於戲音嗚呼嘆辭尸解下音牟般若音鉢惹釋經衆生上音中釋經落魄下音託隱几隱去聲野燒燒去聲母丘上音貫見今濟陰縣南龍兌下音奪趙地方與音房豫趙縣名糊塗音鶻突遠去聲遠害全身遠市朝涯音牙詞押音移須播下音史伊帆下音祈旖施下音旆柴池下音差樛差上音參斗獻下音希無慮下音閭義臺上音儀遁巡上音遂焯人上音庖翮幅下音翻潏漢下音灘井榦下音韓關弓上音彎羨門上音延澆水上音蹉茄下上音荷烏

說略

卷之十一

三三

柁上音鴉不羹下音郎僕區下音歐餘汗下音干烏巨下音桓輪邊下音扁揣靡下音摩華聊下音騶中盾下音允滂瀕上音濫團焦下音標川欄下音練炫爚下音耀倜倡下音悵鬱壘下音律沙羨下音夷費禕上音蜚虔劉下音盧宛甸下音劬負尾上音陪山名些息个切楚詞祆音軒胡神也扁音貶牌額也殷烏關切赤黑色溺奴料切尿也沛公溺儒冠宿留音秀溜相窆上音掘掘壤下音地窆壁讓君與臣射讓地尺許揖厭下音葉推手曰揖引手曰讓亡慮上音

無倒景下音影耐可上音能詐諼下音泫亦詐也郎
罷下音擺閩人稱父隆準下音拙休告下音嗥骨朶
下音都阿訶上音兀齊衰咨衰赤市下音蒂令居上
音連邑名選懦下音軟扶服匍匐曲逆去遇睚背獬
豸谷蠡祿梨墨屎睂癡康居下音渠函谷上音咸不
其下音箕邑名裴音肥邑名先零下音憐獻尊上音
荷

唐史載武后制字十二元

天塋

地壘

照囧

日囧

月○

星

風君忠

臣廔

幼胤

戴奉

年缶

正却

无

什文而後山

說略

卷之一五

三三

叢談中又多胤

初簽

證蝥

授𠄎

正人

聖

囧

國𠄎

字及讀通志止是十八字而無君仁幼三字却又益

以胤

戴

字重一正

正字

總計則又二十字矣書且不

同六書本義亦以此。𠄎字爲武后星字似此增損書

訛恐後人所傳之不一且天作𠄎日作囧並篆文也

年作𠄎正作缶亦有作正者授作蝥亦有作穠穠者

國作囧亦有作囧者地字籀文亦有作壘者星字崔

希裕纂古而作然又非武后所創可知或武后當時

所用人自不考遂以爲其創也若以據史止十二字

則黃林雲華嚴經跋云武后有證經等字乃桓彥範
署名親校者是出十二字之外矣

餘冬序錄云吳主孫休創八字名其子暉灣苻迄眞

航此字音何音音巨奔暉舉寇褒熒擁武后命宗秦

客改十二字行之制以暉爲名取日月當空之義南

漢劉巖亦制龔儼字爲名取飛龍在天之義其妄如

此魏江式言世易風移文字改變篆形錯繆隸體失

眞談辨之士加以意說炫惑于時乃以追來爲歸巧

言爲辯小兒爲靦神蟲爲蠶如斯甚衆顏氏家訓云

說略 卷之一五 三四

北朝喪亂之餘書跡鄙陋加以專輒造字乃以百念

爲憂言反爲變不用爲罷更生爲甦先人爲老如此

非一徧滿經傳二公之言其有感于同文之盛乎唐

君臣正論武后改易新字如以山水土爲地千千萬

萬爲年永主久王爲證長正主爲聖一忠爲臣一生

爲人一人大吉爲君然攷之但有壘季思至四字合

證作鬢君作風與正論所言不同宋人記其時有上

俗書者養爲矮養爲齋閣爲穩奎亦爲穩仆音嫻小

兒也丕音勒人瘦弱也丕音終人亡絕也丕音臘人

